



Broj: 05-04-20-3766-3/21  
Datum: 08.10.2021. godine

Na osnovu čl. 64. stav 1. tačka b) i 70. st. 1., 2., 3. i 6. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a na osnovu preporuke Komisije za javne nabavke navedene u Zapisniku o pregledu i ocjeni ponuda, broj 05-04-20-3766-2/21 od 04.10.2021. godine, u postupku javne nabavke „Rekonstrukcija, sanacija i izgradnja lokalnih puteva, gradskih ulica i trotoara i sl. i isporuka materijala na području općine Maglaj u 2021. godine „ Načelnik općine Maglaj d o n o s i

## **O D L U K U**

### **o izboru najpovoljnijeg ponuđača**

#### **I**

Prihvata se preporuka Komisije za javne nabavke, te se u predmetnom postupku, kao najpovoljnija, bira ponuda ponuđača „Mevludin Commerce“ d.o.o. Sarajevo u iznosu od **188.000,00 KM bez PDV-a, odnosno 219.960,00 KM sa PDV-om.**

#### **II**

Izabrani ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

#### **III**

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

#### **IV**

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

### **Obrazloženje**

Odlukom o pokretanju postupka, broj 05-40-20-3766/21 od 02.09.2021. godine, pokrenut je postupak javne nabavke „Rekonstrukcija, sanacija i izgradnja lokalnih puteva, gradskih ulica i trotoara i sl. i isporuka materijala na području općine Maglaj u 2021. godini“.

Odabran je Otvoreni postupak za dostavu ponuda koji je objavljen na portalu javnih nabavki broj: 1140-1-3-60-3-42/21 od 02.09.2021. godine, objavljeno u „Službenom glasniku BiH“ broj: 56/21. Kriterij za dodjelu ugovora je najniža cijena.

Predmetni postupak je provela Komisija za javne nabavke, imenovana Odlukom broj 05-45-1-599/21 od 14.04.2021. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav 5. i 65. stav 2. Zakona o javnim nabavkama.

U predmetnom postupku, Komisija je utvrdila sljedeće:  
Blagovremeno su zaprimljene četiri ponude. Neblagovremenih ponuda nije bilo.  
Blagovremeno pristigle su sljedeće ponude od ponuđača:

r/b	Naziv ponuđača	Cijena bez PDV-a u KM	Cijena sa PDV-om U KM	Dana sati
1.	„Mevludin Commerc“ d.o.o. Sarajevo	268.708,20	314.388,59	23.09.2021.u 11,48
2.	„Hajdić“ d.o.o. Maglaj	241.517,90	282.575,94	24.09.2021.u 09,23
3.	„Geo put“ d.o.o. Maglaj	242.664,30	283.917,23	24.09.2021.u 9,24
4.	„Porobić“ d.o.o. Maglaj	262.054,90	306.604,23	24.09.2021.u 11,36

Nakon pregleda i ocjene ponuda, a prije zakazivanja e-aukcije, Komisija je utvrdila da je kod ponuđača „Mevludin Commerc“ d.o.o. Sarajevo, oštećena Garancija za ozbiljnost ponude, i to je konstatovano odmah prilikom otvaranja ponuda.

Dakle, uz ponudu ponuđača je bila priheftana koverta brze pošte, tako da su spjalice oštetile Garanciju za ozbiljnost ponude

Takva garancija prema Pravilniku o formi garancije za ozbiljnost ponude i izvršenje ugovora, ukoliko je oštećena, se ne može naplatiti.

Na zapisniku o otvaranju ponuda od 24.09.2021. godine, Komisija za javne nabavke je stavila napomenu da je kod ponuđača „Mevludin Commerc“ d.o.o. Sarajevo, oštećena Garancija za ozbiljnost ponude, navodeći da je ista oštećena od strane dostavljača brze pošte, s tim da je greškom ispušteno stavljanje ponuđača u tabelu „SAŽETAK PRIMLJENIH PONUDA U ROKU“.

Zapisnik sa otvaranja ponuda je dostavljen svim ponuđačima dana 27.09.2021. godine.

E-aukcija je zakazana bila za dan 30.09.2021. godine u 9,00 sati.

Dana 29.09.2021. godine ponuđač „Mevludin Commerc“ d.o.o. Sarajevo je putem maila dostavio obavještenje u kojem navodi da se brza pošta očitovala na njihov upit i odgovorila da nisu oštetili pošiljku prilikom dostavljanja.

Nakon toga provjerom u Općini je utvrđeno da je uposlenik sa pisarnice, iz razloga da bi sačuvo kovertu brze pošte, istu heftaricom prikopčao za ponudu, ne sluteći da je tom prilikom oštećena garancija za ozbiljnost ponude.

E-aukcija zakazana za dan 30.09.2021. godine u 9,00 sati je otkazana iz razloga što greškom nisu bili prijavljeni svi ponuđači čije su ponude bile validne i koji su blagovremeno dostavili svoje ponude.

Ponuđač „Mevludin Commerc“ d.o.o. Sarajevo je dana 04.10.2021. godine dostavio u Općinu Maglaj ovjerenu kopiju Bankovne garancije za ozbiljnost ponude.

Nakon toga je dostavljena DOPUNA SAŽETKA PRIMLJENIH PONUDA dana 04.10.2021. godine koja čini sastavni dio Zapisnika o otvaranju ponuda od dana 24.09.2021. godine, svim ponuđačima koji su učestvovali u ovom postupku javne nabavke a čije su ponude bile blagovremene dostavljene.

Nakon pregleda i ocjene ponuda, a prije zakazivanja e-aukcije, Komisija je utvrdila da su sve ponude prihvatljive.

E-aukcija je zakazana za dan 08.10.2021. godine, s početkom u 11,00 h.

Nakon održane e-aukcije, konačna rang lista u predmetnom postupku javne nabavke je sljedeća:

r/b	Naziv ponuđača	Cijena bez PDV-a u KM	Cijena sa PDV-om U KM
1.	„Mevludin Commerc“ d.o.o. Sarajevo	188.000,00	219.960,00
2.	„ Hajdić“ d.o.o. Maglaj	200.000,00	234.000,00
3.	„ Geo put“ d.o.o. Maglaj	230.550,00	269.743,50
4.	„ Porobić“ d.o.o. Zavidovići	262.054,90	306.604,23

U skladu s navedenim, Komisija za javne nabavke je dala preporuku rukovodiocu ugovornog organa da donese odluku kao u dispozitivu.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke. Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu. Žalba se podnosi neporedno ugovornom organu, u pisanoj formi, direktno ili putem preporučene poštanske pošiljke.

Dostavljeno:

1. Ponuđači – putem maila
2. Služba za urbanizam, geodetske i imovinsko-pravne poslove
3. a/a



